

nerunt in Etham, quæ est in extremis finibus solitudinis, v. 7. Inde egressi venerunt contra Phihahiroth, transferunt per medium mare in solitudinem, & ambulantes tribus diebus per desertum Etham castrametati sunt in Mara.

Ether. V. Etham, Athar.

Ethrod est inter urbes, quas extruxerunt filii Tribus Gad, Numer. 32. v. 35. sed cum Ataroth non convenit, quod in eadem Tribu utriusque mentio sit Ataroth. v. 34. Ethrod v. 35. neque vox hæc cum sequenti voce Sophan conjungenda, ut quidam censent, quod interjecta sit disjunctio, &. Græci tamen codices Ethrod non habent.

Euphrates fluvius quartus ex iis, qui irrigabant Paradisum, Genes. 2. v. 10. & 14. & postea aliquoties fluvium magnum Euphratem vocat, ut Genes. 15. v. 18. Deuter. 1. v. 7. & 11. v. 7. Josue 1. v. 4. & alibi. Fluvius is maximus est, & è montibus Ararat sive Armeniæ erumpens Cappadociam, Syriam, & Arabiam à dextra; Armeniam & Mesopotamiam à sinistra alluit, Chaldæamque interfecans, recepto Tygri in Persicum Sinum evolvitur.

F.

Fanum Baal in Ephraim.

Fanum-Baal, scripsit vulgata lectio Excelsa Baal, Numer. 22. v. 41. Baalam ariolus ductus est à Balac Moabitarum Rege ad Excelsa Baal, ut Israëlitis malediceret, Numer. 23. & 24. sed ille semel & iterum, iterumque benedixit Israëlitis, & multa vaticinatur de Christo.

Fons Æthiopis in via, quâ ab Jerusalem Gazam iter: nec longè ab Azoto: is est ad cujus aquas Eunuchum Candacis Reginæ Æthiopum baptisavit Philippus Diaconus, Act. 8. v. 39.

Fons Arad, sive F. Harad, penes quem castrametatur Gedeon contra Madianitas, qui erant in Jezraël, Judic. 7. v. 1.

Fons Hortorum. Cantic. 4. v. 15. Fons Hortorum, Puteus aquarum viventium, quæ fluunt impetu de monte Libano.

Fons Jacob, supra quem cum Jesus fatigatus ex itinere sederet, venit mulier de Samaria haurire aquam: cum qua multa allocutus Jesus de aqua viva, de Deo adorando, Messiam se esse tandem aperit, & civitatem ingressus pluribus Samaritanis innotescit, Joan. 4. v. 6. & seq.

Fons Jezraël. Vide Jezraël.

Fons Rogel. De limitibus Tribus Juda, Josue 15. v. 7. Et erunt exitus ejus ad Fontem Rogel. & de limitibus Tribus Benjamin, 18. v. 16. pervenit ad Fontem Rogel. Fons ergo inter utramque Tribum est Judæ & Benjamin, 2. Reg. 17. v. 17. Jonathas & Achimas stabant juxta Fontem Rogel, cum ancilla nuntiavit eis, ut referrent ad Regem David.... v. 16. ne moraretur nocte illa in campestribus deserti, sed absque dilatione transgrederetur (Jordanem;) de Bello Absalonis contra Patrem. 3. Reg. 1. v. 9. Adonias immolatis arietibus, & vitulis, & universis pinguibus juxta lapidem Zoheleth, qui erat vicinus Fonti Rogel... & seq. Regnum Davidis etiamnum viventis occupare conatur.

Fons Samson, locus in quo Samson post Philisthæos mille deletos sitiit, clamavit ad Dominum, & aperuit Dominus dentem molarem in maxilla Asini: è quo egressæ sunt aquæ, quibus haustis, refocillavit spiritum, & vires recepit Samson, Judic. 15.

Latit.
Gr. Scr.

Longit.
Gr. Scr.

31. 58.

67. 37.

40. 0.

71. 0.

31. 39.

67. 37. $\frac{1}{2}$

32. 7. $\frac{1}{2}$

67. 2.

31. 47. $\frac{1}{2}$

65. 43.

32. 22.

67. 4.

.. ..

.. ..

32. 9.

66. 57. $\frac{1}{2}$

32. 27. $\frac{1}{2}$

66. 52. $\frac{1}{2}$

31. 35.

66. 47.

31. 39.

65. 52.